



Մ ՈՒՐՐ ԶԱԿՈՐ

ԱՌԱՋՆՈՐԴԱՆԻՍՏ ՄԱՅՐ ԵՄ ԿԵՂԵՅԻ



ՏՕՍ ՊԱՅԾԱՆԱԿԵՐՊՈՒԹԵԱՆ ՔՐԻՍՏՈՍԻ

19 ՅՈՒՆԻՍ 2020

Կիրակնօրեայ Ընթերցումներ	Էջ 1
Հաղորդագրութիւն	Էջ 4

ԻՄԱՍՏՈՒԹԵԱՆ ԳԻՐՔԷՆ

(7.25-8.4)

Ի մաստուծիւնը Աստուծոյ զօրութեան ճաճանչն է, ամենակալին փառքին ճշմարիտ ծագումը. ուստի ո՛չ մէկ պիղծ բան կը խառնուի անոր մէջ: Մշտնջենաւոր լոյսին նշոյլն է անիկա, Աստուծոյ ներգործութեան անարատ հայելին եւ անոր բարերարութեան պատկերը:

... Աստուծոյ ներգործութեան անարատ հայելին եւ անոր բարերարութեան պատկերը:

Մէկ է անիկա եւ ամենակարող, ինքնակալ է եւ բոլորը նորոգող: Բոլոր ժամանակներուն ալ մաքուր հոգիներուն մէջ կը բնակի եւ զանոնք Աստուծոյ բարեկամ ու մարգարէ կը դարձնէ, որովհետեւ Աստուած կը սիրէ միայն ան՝ որ իմաստութեամբ կ'ապրի:

Իմաստութիւնը աւելի գեղեցիկ է քան արեւը, գերիվեր է քան բոլոր համաստեղութիւնները: Լոյսին հետ համեմատած՝ գերազանց է անիկա, որովհետեւ մինչ գիշերը փոխն ի փոխ լոյսին տեղը կ'առնէ, չարը չի կրնար յաղթել իմաստութեան:

Անիկա աշխարհի մէկ ծայրէն միւսը կը սփռէ իր օգուտները եւ իր բարերարութեամբ կը խնամէ բոլորը: Երիտասարդութեանս օրերէն իսկ սիրեցի ու փնտռեցի զայն, ուղեցի զայն ինծի հարս ունենալ, անոր գեղեցկութեան ցանկացի: Անիկա իր ազնուական ծագումը կը փառաւորէ, որովհետեւ Աստուծոյ կեանքին հաղորդակից է եւ տիեզերքի Տէրը սիրեց զայն: Արդարեւ անիկա խորհրդակից է Աստուծոյ իմաստութեան եւ իր ընտրութեամբ մասնակից է անոր գործերուն:

ԶԱՔԱՐԻԱ ՄԱՐԳԱՐԷԻ ԳԻՐՔԷՆ

(14.16-21)

Այն ատեն, Երուսաղէմի վրայ արշաւած բոլոր ազգերու մնացորդները տարուէ տարի Երուսաղէմ պիտի գան երկրպագելու թագաւորին, ամենակալ Տէր Աստուծոյ, եւ Տաղաւարահարաց տօնը կատարելու: Այն ժողովուրդը որ մերժէ Երուսաղէմ գալ երկրպագելու թագաւորին ամենակալ Տէր Աստուծոյ, անիկա անձրեւ պիտի չունենայ իր երկրին վրայ:

Եթէ Եգիպտոսի ժողովուրդը չելլէ ու չգայ, պիտի ենթարկուի նոյն հարուածին որով Տէրը պիտի պատուհասէ այն ժողովուրդները որոնք Տաղաւարահարաց տօնը կատարելու չեն գար:

Եւ Պատուհասը որ եգիպտացիներուն վրայ պիտի գայ՝ պիտի գայ նաեւ բոլոր այն ժողովուրդներուն վրայ որոնք

Տաղաւարահարաց տօնը կատարելու չեն գար: Այն օրը նոյնիսկ ձիերու սանձին վրայ գրուած պիտի ըլլայ. «Տիրոջ համար սրբագործուած»։ Աստուծոյ տան կաթսաներն իսկ սուրբ պիտի համարուին զոհասեղանին վրայ դրուած տաշտերուն նման, ու Երուսաղէմի եւ Հրէաստանի մէջ գտնուող ամէն կաթսայ ամենակալ Տիրոջ անունով նուիրագործուած պիտի ըլլայ. այնպէս որ բոլոր անոնք որ զոհ մատուցանելու կու գան՝ պիտի առնեն զանոնք եւ անոնց մէջ եփեն իրենց մատաղը: Եւ այն օրը Աստուծոյ տան մէջ ոեւէ վաճառորդ պիտի չգտնուի:

**ՅՈՎՀԱՆՆԷՍ ԱՌԱՔԵԱԼԻ
ԸՆԴՀԱՆՐԱԿԱՆ ԱՌԱՋԻՆ ՆԱՄԱԿԷՆ
(1.1-7)**

Մենք լսեցինք, մեր աչքերով տեսանք եւ մեր ձեռքերով շօշափեցինք Որդին, Բանը, որ սկիզբէն իսկ կեանքի ստեղծիչն էր: Ան նոյնինքն կեանքն էր, որ յայտնուեցաւ: Մենք տեսանք եւ կը վկայենք, ձեզի պատմելով անոր մասին, այսինքն՝ յաւիտենական կեանքին մասին, որ Հօրը հետ էր եւ այժմ մեզի յայտնուեցաւ: Ինչ որ տեսանք ու լսեցինք կը պատմենք ձեզի, որպէսզի դուք ալ մասնակից դառնաք այն հաղորդակցութեան, որ մենք ունինք Հօրը եւ անոր Որդւոյն Յիսուս Քրիստոսի հետ, եւ ձեր ուրախութիւնը կատարեալ ըլլայ: Ահա թէ ինչու կը գրենք ձեզի այս նամակը:

Պատգամը որ իրմէ լսեցինք եւ ձեզի կը փոխանցենք, սա է՝ թէ Աստուած լոյս է, բնաւ խաւար չկայ անոր մէջ: Արդ, եթէ

Ան նոյնինքն կեանքն էր, որ յայտնուեցաւ:

Աստուած լոյս է, բնաւ խաւար չկայ անոր մէջ:

Դուն Քրիստոսն եւ կենդանի Աստուծոյ Որդին:

ըսենք “հաղորդակից ենք իրեն” եւ միւս կողմէ շարունակենք խաւարի մէջ ապրիլ, կը ստենք ահա եւ ճշմարտութեան դէմ կը գործենք: Իսկ եթէ Աստուծոյ լոյսին մէջ քալենք, այն ատեն ճշմարտապէս հաղորդակից կ'ըլլանք իրարու, եւ իր Որդւոյն Յիսուսի արիւնը կը սրբէ մեզ ամէն մեղքէ:

**ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ
ԸՍՏ ՄԱՏԹԷՈՍԻ
(16.13-17.13)**

Երբ Յիսուս Փիլիպպոսի կառուցած Կեսարիայի կողմերը եկաւ, իր աշակերտներուն հարցուց. «Մարդիկ ի՞նչ կ'ըսեն մարդու Որդիին մասին. ո՞վ եմ ես»: Անոնք պատասխանեցին. «Ոմանք քեզ Յովհաննէս Մկրտիչը կը կարծեն, ոմանք Եղիա մարգարէն, իսկ ուրիշներ՝ Երեմիան կամ մարգարէներէն մէկը»: Յիսուս հարցուց անոնց. «Իսկ դո՛ւք ով կը կարծէք զիս»: Սիմոն Պետրոս պատասխանեց. «Դուն Քրիստոսն ես կենդանի Աստուծոյ Որդին»:

Յիսուս ըսաւ անոր. «Երանի՛ր քեզի Սիմոն, Յովնանի որդի, որովհետեւ ատիկա քեզի յայտնողը մարդ մը չէր, այլ իմ Հայրս որ երկինքի մէջ է: Քեզ “Պետրոս”, այսինքն ժայռ կոչեցի, եւ այդ ժայռին վրայ պիտի շինեմ իմ եկեղեցիս, զոր մահն իսկ պիտի չկարենայ յաղթահարել: Քեզի պիտի տամ երկինքի արքայութեան բանալիները, եւ ինչ որ կապես երկրի վրայ՝ կապուած պիտի ըլլայ երկինքի մէջ եւ ինչ որ արձակես երկրի վրայ՝ արձակուած պիտի ըլլայ երկինքի

մէջ»։ Ապա Յիսուս խստիւ պատուիրեց իր աշակերտներուն, որ ոեւէ մէկուն չըսեն թէ ինքն է Քրիստոսը։

Այս դէպքէն ետք, Յիսուս սկսաւ յայտնել իր աշակերտներուն, թէ պէտք է որ ինք Երուսաղէմ երթայ, ուր շատ պիտի չարչարուի քահանայապետներէն, Օրէնքի ուսուցիչներէն եւ երէցներէն. զինք նոյնիսկ պիտի սպաննեն եւ սակայն ինք երրորդ օրը յարութիւն պիտի առնէ։

Ասորվրայ Պետրոս զինք մէկ կողմ տարաւ եւ սկսաւ հակառակելով վիճիլ. «Քաւ լիցի, Տէ՛ր, այդպիսի բան թող չպատահի քեզի»։ Յիսուս Պետրոսի դառնալով ըսաւ. «Ետիս գնա, սատանա՛յ, դուն արգելք ես ինծի, որովհետեւ Աստուծոյ ծրագիրը չէ որ կը խորհիս, այլ մարդոց մտահոգութիւնը կ'արտայայտես»։

Եթէ մէկը ուզէ ինծի հետեւիլ՝ թող ուրանայ իր անձը, անցէ իր խաչը եւ ետեւէս գայ։

Ապա Յիսուս իր աշակերտներուն ըսաւ. «Եթէ մէկը ուզէ ինծի հետեւիլ՝ թող ուրանայ իր անձը, առնէ իր խաչը եւ ետեւէս գայ։ Որովհետեւ ով որ ուզէ իր անձը փրկել՝ պիտի կորսնցնէ զայն, եւ

ով որ ինծի համար կորսնցնէ իր անձը՝ պիտի գտնէ զայն։ Ի՞նչ օգուտ, երբ մէկը ամբողջ աշխարհը շահի, բայց իր կեանքը կորսնցնէ, որովհետեւ ոեւէ բանով չի կրնար իր կեանքը ետ առնել։ Արդարեւ, երբ մարդու Որդին գայ իր Հօր փառքով իր հրեշտակներուն հետ, իւրաքանչիւրին իրեն գործերուն համաձայն հատուցում պիտի կատարէ։ Վստահ եղէք, որ հոս գտնուողներէն ոմանք պիտի չմեռնին՝ մինչեւ տեսնեն Մարդու Որդին որ կու գայ իր թագաւորութեամբ»։

Վեց օր ետք, Յիսուս իր հետ առաւ

Պետրոսը, Յակոբոս եւ Յովհաննէս եղբայրները եւ զանոնք բարձր լեռ մը հանեց, ուր առանձին էին։ Հոն այլակերպեցաւ անոնց դիմաց. իր դէմքը արեւու նման լուսաւոր դարձաւ եւ հագուստները լոյսի նման ճերմակ եղան։ Եւ ահա երեւցան Մովսէսն ու Եղիան, որոնք կը խօսէին Յիսուսի հետ։ Պետրոս ըսաւ Յիսուսի. «Տէ՛ր, ի՞նչ լաւ է հոս. եթէ կ'ուզես երեք վրաններ շինենք, մէկը քեզի, մէկը Մովսէսի եւ միւսը Եղիայի համար»։ Մինչ Պետրոս կը խօսէր, ահա լուսաւոր ամպ մը ծածկեց զիրենք. ամպին մէջէն ձայն մը լսուեցաւ որ կ'ըսէր. «Այս է իմ սիրելի Որդիս որ հաւնեցայ. անոր մտիկ ըրէք»։ Երբ աշակերտները լսեցին ասիկա, սարսափահար՝ երեսի վրայ գետին ինկան։ Յիսուս մօտենալով՝ դպաւ անոնց եւ ըսաւ. «Ոտքի՛ ելէք, մի՛ վախնաք»։ Աշակերտները իրենց աչքերը վեր բարձրացուցին եւ Յիսուսէ գատ մարդ չտեսան։

Ոտքի՛ ելէք, մի՛ վախնաք»։

Եւ մինչ լեռնէն վար կ'իջնէին, Յիսուս պատուիրեց անոնց, ըսելով. «Մինչեւ որ մարդու Որդին մեռելներէն յարութիւն չառնէ, ձեր տեսածը ոեւէ մէկուն մի՛ պատմէք»։ Այն ատեն աշակերտները հարցուցին Յիսուսի. «Հապա ինչո՞ւ Օրէնքի ուսուցիչները կ'ըսեն թէ նախ Եղիան պէտք է գայ»։ Յիսուս պատասխանեց. «Ճի՛շդ է, Եղիան նախ գալով՝ պիտի պատրաստէ ամէն ինչ. բայց զիտցէք որ Եղիան արդէն իսկ եկած է, սակայն մարդիկ զայն չճանչցան եւ անոր հետ վարուեցան ինչպէս որ ուզեցին։ Նոյնպէս ալ Մարդու Որդին պիտի չարչարուի անոնց կողմէ»։ Այն ատեն աշակերտները հասկցան թէ Յովհաննէս Մկրտիչի մասին կը խօսէր ան։

ՀԱՂՈՐԴԱԳՐՈՒԹԻՒՆ

Կը յայտնենք հաւատացեալ ժողովուրդին, թէ Կիրակի առաւօտեան ժամը 10:30-ին, Ս. Յակոբ Առաջնորդանիստ Մայր Եկեղեցւոյ մէջ տեղի պիտի ունենայ Ս. Պատարագ, ըստ կառավարական կանոնին՝ միշտ յարգելով 2 մեթր ֆիզիքական հեռաւորութիւնը: Առցանց սփռումը պիտի շարունակուի:

Առաւօտեան ժամը 10.00-էն սկսեալ եկեղեցին բաց պիտի ըլլայ: Ս. Պատարագին անձամբ մասնակցիլ փափաքող հաւատացեալէն կը խնդրենք, որ հետեւեալ ցուցմունքները գործադրէ.

10.00-10.15 ԵԿԵՂԵՑԻՒՆ ԴՈՒՐՍ

1. Եկեղեցի ներկայանալ դիմակով (mask), եւ եկեղեցւոյ մուտքէն իսկ ծնօտն ու քիթը ծածկուած պահել միշտ՝ բացի Հաղորդութեան ստացման պահէն:
2. Եկեղեցւոյ մուտքէն՝ յարգել 2 մեթր ֆիզիքական հեռաւորութիւնը:
3. Փոնգտալու կամ հագալու պարագային՝ բերանը ծածկել թելով:
4. Հայ Կեդրոնի մուտքը գործածել եկեղեցի անցնելու համար: Այնտեղ զետեղուած հականեխիչով ձեռքերը մաքրել:
5. Անուն, մականուն եւ բջիջային հեռաձայնի սեփական թիւը փոխանցել բանկայի պատասխանատուին:

10.15-10.30 ԵԿԵՂԵՑԻՒՆ ՆԵՐՍ

6. Հետեւիլ առաջնորդողին՝ եկեղեցի մտնելու համար:
7. Նստիլ Եկեղեցւոյ նստարաններէն մէկուն՝ հոն ուր ԿԱՆԱԶ ՆՇԱՆ կայ: Եթէ յառաջամասի նստարանները ազատ են՝ յառաջանալ եւ նստիլ, դարձեալ եւ միշտ հոն ուր ԿԱՆԱԶ ՆՇԱՆ կայ:
8. «Քրիստոս ի մէջ»ի ատեն՝ տեղէ չշարժիլ, եւ «Ողջոյն»ի համար պարգա-պէս խոնարհիլ շուրջիններուն:
9. Հաղորդութեան ատեն, միշտ յարգել 2 մեթր ֆիզիքական հեռաւորութիւնը: Իգական սեռի պատկանող հաւատացեալները թող իրենց հետ բերեն իրենց շղարշները՝ ծածկելու համար իրենց գլուխները հաղորդութեան ատեն:
10. Ձեռքը երկարել՝ Հաղորդութիւն ստանալու համար:

11.45-12.00 ՀՈԳԵՀԱՆԳԻՍՏ

11. 11.15-11.35 Որպէս հոգեհանգիստ խնդրող պարագայ՝ դիմակով (mask) ներկայանալ Հայ Կեդրոնի մուտքին սեղանը, նախօրօք քարտուղարութեան մօտ արձանագրուած սեփական անունն ու հեռաձայնի թիւը յուշել, ապա ձեռքերը հականեխել ու եկեղեցի մտնել:

ՄՈՄԱՎԱՐՈՒԹԻՒՆ

Մոմավարութեան համար կարելի է եկեղեցի մտնել, միշտ դիմակը ծնօտին ու քիթին, եւ յարգելով 2 մեթր ֆիզիքական հեռաւորութիւնը. կարճ աղօթք ընել եւ գալիթէն դուրս ելլել՝ առիթ տալով հերթ սպասողներուն:

Թագաժահրի (Coronavirus) այս հանգրուանէն առողջ ու ապահով դուրս գալու համար՝ բոլոր հաւատացեալներուն գործակցութիւնը կը խնդրենք:

Կանխաւ շնորհակալութիւն իւրաքանչիւրի հասկացողութեան համար:

Հովիւ եւ Հոգաբարձութիւն
Ս. Յակոբ Առաջնորդանիստ Մայր Եկեղեցւոյ
9 Յուլիս 2020